

Dieselbige vnentberliche Gebäw/ eintweder von newem auffzuführen/ oder aber nach gestaltsame der Sachen/ in etwas zurepariren.

Wann dann/ jedoch ohne Rhum zumelden/ oberrante drey/ zwar geringe Wercklin/ zu glücklichem Anfang/ von Hoch vnd Nider Standes Personen mit belieben auff= vnd angenommen/ zum theil zu Werck gesetzt/bequem/vnd nützlich seynd erfunden worden. So haben sich hernach noch mehr Liebhabere erzaiet/die beneben wolmainende erinnerten/das in besagten Kriegs Tumulten/ ganze Stätt/ mit dem groben Geschütz gesquetscht/zerfellt/nidergerisse/geschleiff/auch durch einwerffung der Feurballen gar in die Aschen gelegt/vnd also ganz ode stehend hinderlassen worden. Welche dann eineweder von newem zuerbawen/ oder aber nach befindenden Umständen des Orts/ widerumben zuergänzen wären/ da dann in dergleichen Fällen wol zubeobachten/ das die Bawvncosten nicht vergeblich/ sonder mit höchstem Verstande nach tieffester des Menschen sinnlichkeit also anzulegen/ das/ vnd ob zwar ein ganz neue Statt/ wie leichtlich zuerachten/nit so gleich auff einmahl köndte auffgebawet werden/ (man hat Exempel/das mancher Tempel/ oder sonst ein ansehnliche Kirchen/ mehr dann .100. Jahr/ völlig außzufertigen es Zeit erfordert/ interim aber so seynd dieselbige dannoch zugebrauchen gewesen.) so ist jedoch an deme am allermeisten gelegen/ das dergleichen weit außsehende Gebäw/ gleich anfangs mit grosser Vorsichtigkeit/ zuvorderst das Kirchengebäw auff ein hohen wolgelegenen Ort gestellt/hernach die Fortification, als die Beschützung vnd Einzinglung der Menschen Häuser/oder Wohnungen/ damits der Raubvogel nicht zerstören/ noch im Aufhöcken der Jungen/ verhinderlichen seyn möge. Alsdann die andere Ciuilische vnd principal Machinæ neben derselben bequemem wol auffeinander correspondirenden Strassen vnd Gassen/ so wolen in auß: vnd einföhrung der fließenden Schiffreichen Wasser vnd Röhrbrunnen &c. wolverstandener massen angeordnet/ beneben nach vnfehlbarer Planimetrischer art abgeschmieret/vnd also nach höchstem fleiß in den grundt gelegt werde/das man mitler Zeit auch nach gelegenheit vnd vermögen des Belittels/alle

vnd